



Projekat finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



u partnerstvu sa Gradom Prijedor

### Izveštaj o izvršenom trećem mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u gradu Prijedoru

U okviru Javnog poziva za organizacije civilnog društva/nevladine organizacije za predaju prijedloga projekata koji se organizuje u sklopu projekta „Regionalni program lokalne demokratije na Zapadnom Balkanu“ (ReLOaD2)<sup>1</sup> u saradnji sa Gradom Prijedor, u petak, 28. januara 2022. godine u trajanju od 14,00 do 16,00 časova u prostorijama Gradske uprave Grada Prijedor, održan je posljednji od tri planirana mentorska sastanka za zainteresovane predstavnike/ice organizacija civilnog društva (OCD). Sastanak je bio prilika za OCD da sa mentorom javno prodiskutuju eventualna poboljšanja projektnih prijedloga (bez uplitanja u konkretne projektne ideje).

Drugi termin mentorskog sastanka najavljen je u Pozivu **organizacijama civilnog društva za učešće na prvom mentorskom sastanku u okviru Javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu 2 (ReLOaD2) u Gradu Prijedor** na zvaničnoj internet stranici Grada Prijedor.

Mentorskom sastanku prisustvovalo je ukupno 10 učesnika/ca (9 predstavnika/ca OCD i 1 predstavnik Gradske uprave Prijedor), od čega 5 žena i 5 muškaraca.

Tokom mentorske sesije, upućena su sljedeća pitanja, odnosno neodumice:

#### 1. Inicijalni pregled i javno sugerisanje eventualnog poboljšanja projektnih prijedloga za OCD

Nakon obavljenog pregleda predočenih nacrtu projektnih prijedloga za 6 OCD, mentor je obezbjedio sugestije koje se posebno odnose na:

- A) Usklađivanje projektnih rezultata sa specifičnim ciljevima.
- B) Adekvatno definisanje pretpostavki koje se odnose na rezultate i specifične ciljeve, imajući u vidu da je potrebno definisati i preduslove koji su vezani za početak Projekta, odnosno aktivnosti.
- C) Definisanje indikatora direktno vezanih za rezultate i specifične ciljeve, poštujući SMART načela definisanja indikatora.
- D) Izvori verifikacije moraju odgovarati navedenim indikatorima, a posebno obratiti pažnju na mogućnost prikupljanja istih, njihovu raspoloživost te usklađenost sa navodim iz početnog stanja.
- E) Većina priloženih pretpostavki su definisane kao interni elementi na koje projektni menadžment ima uticaja pa se preporučuje obratiti pažnju da pretpostavke budu vanjske, te da projekat može djelomično djelovati na iste. Nejasno definisanje rizika i pretpostavki na jednom mjestu može „zbuniti“ Komisiju za odabir te se preporučuje u zadnjoj koloni logičkog okvira prezentovati pretpostavke, a rizike sa mjerama prevencije i prevazilaženja prezentovati detaljno u projektnom prijedlogu.

<sup>1</sup>Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Projekat finansira  
Evropska unija

## Regionalni program lokalne demokratije na Zapadnom Balkanu 2 ReLOaD2



- F) Za aktivnosti nije potrebno definisati indikatore te se u tom dijelu navode neophodna sredstva (druga kolona) i sumarni budžet za stavke (treća kolona) dok u zadnjoj koloni se navode preduslovi koji su potrebni da se ispune kako bi projekat adekvatno mogao implementirati zadane aktivnosti.
- G) U dijelu projektne aplikacije, u najvećem broju slučajeva, aplikanti „izlistaju“ rezultate i aktivnosti, bez da ih detaljno opišu, na što je posebno ukazano.
- H) Slično kao i prethodno, u dijelu narativnog opisa budžeta, potrebno je dati dovoljno informacija kako bi se vidjeli na osnovu kojih kriterija i ulaznih informacija je planirana određena budžetska stavka.

### 2. Da li aplikant i partner dostavljaju iste dokumente prilikom podnošenja aplikacije?

Odgovor: Na stranicama 3 i 4 Smjernica za aplikante su navedena pravila za dostavljanje dokumenata prilikom apliciranja na predmetni poziv. U skladu sa istim, obavezna dokumentacija treba da sadrži sljedeće dokumente i dostavlja se u jednom elektronskom primjerku (na USB elektronskom mediju):

- Projektni prijedlog (word format Aneks 1)
- Pregled budžeta/proračuna (excel format - Aneks 2)
- Matrica logičkog okvira (word format - Aneks 3)
- Plan aktivnosti i promocije (word format - Aneks 4).

Dodatna dokumentacija je vrlo važan dio projektne dokumentacije i treba biti kompletirana kako bi prijedlog projekta mogao biti evaluiran. Dodatna dokumentacija se dostavlja na istom elektronskom mediju (USB) u označenom folderu pod nazivom „Dodatna dokumentacija“ i treba da sadrži sljedeće:

- popunjena, potpisana, ovjerena i skenirana forma Administrativni podaci o aplikantu (word format - Aneks 5),
- popunjena, potpisana, ovjerena i skenirana Finansijska identifikaciona forma (word format - Aneks 6),
- popunjena, potpisana i skenirana Izjava o podobnosti (word format - Aneks 7),
- popunjena, potpisana, ovjerena i skenirana Izjava o dvostrukom finansiranju (Aneks 8)
- popunjena, potpisana, ovjerena i skenirana Izjava o partnerstvu (definisana od strane aplikanta ili na temelju unaprijed definisanog formata u Aneksu 9),
- popunjena Lista za provjeru (word format - Aneks 10),
- skeniran Statut organizacije (aplikant i partneri)
- skeniran godišnji narativni izvještaj organizacije za 2020. godinu.

Sljedeći dokumenti trebaju biti dostavljeni u štampanoj verziji, u istoj koverti/paketu gdje se nalazi i e-verzija (USB) dostavljene dokumentacije:

- ovjerena kopija važećeg rješenja o registraciji organizacije u BiH (za nosioca projekta (aplikanta) i eventualne partnere na projektu),
- kopija završnog godišnjeg finansijskog izvještaja za 2020. godinu (dokument bilans stanja i bilans uspjeha).

Kopije priložene štampane dodatne dokumentacije nije potrebno ovjeravati osim Rješenja o registraciji.

U svrhu transparentnosti, svi zapisnici, uključujući ovaj, sa održanih sastanaka sa mentorom će biti objavljeni na stranici Grada Prijedor. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.